

05-01/15.08.2018/111.  
05-03/15.08.18. Aug

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
Odbor za javna priznanja Zeničko-dobojskog kantona  
Broj: 02-34-9256-29/18  
Zenica, 15.08.2018. godine

SKUPŠTINA ZENIČKO-DOBOJSKOG KANTONA			
Primljena	16. 8. 2018. god.		
Org. red	broj	Prilozi	Uvjetnost
01-34-9256-29/18			

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
Skupština Zeničko-dobojskog kantona

**PREDMET:** Obavijest o ispravci greške u Odluci o dodjeli  
Plakete Zeničko-dobojskog kantona Ismailu Zulfiću

Obavještavam vas da je prilikom izrade Odluke o dodjeli Plakete Zeničko-dobojskog kantona Ismailu Zulfiću, broj: 01-34-9256-10/18 od 10.08.2018. godine, u istoj načinjena greška.

Greška se ogleda u tome da je izostavljeno navođenje iz koje oblasti se priznanje dodjeljuje kao doprinos razvoju Kantona, zbog čega je predmetna Odluka ispravljena tako da se u tački I. na kraja rečenice dodaje tekst „u oblasti sporta“.

Zbog navedenog, nužno je intervenisanje i u Prijedlogu Odluke o verifikaciji Odluke o dodjeli Plakete Zeničko-dobojskog kantona Ismailu Zulfiću, koja će se razmatrati na 64. sjednici Skupštine zakazanoj za 17.08.2018. godine (petak), na način što ću kao predsjednica Odbora za javna priznanja, koji je predlagatelj Odluke o verifikaciji Odluke o dodjeli Plakete Zeničko-dobojskog kantona Ismailu Zulfiću, podnijeti amandman na samoj sjednici Skupštine Zeničko-dobojskog kantona u toku pretresa ove tačke dnevnog reda, shodno odredbama Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj: 7/12, 12/13 i 10/18).



Na osnovu člana 6. stav (1) Zakona o javnim priznanjima Zeničko-dobojskog kantona ("Službene novine Zeničko-dobojskog kantona", broj: 6/13 i 2/14) i člana 3. Rješenja o imenovanju Odbora za javna priznanja Zeničko-dobojskog kantona, broj: 01-34-9256/18 od 01.06.2018. godine, Odbor za javna priznanja Zeničko-dobojskog kantona, na 2. sjednici, održanoj 07.08.2018. godine, donio je

**ODLUKU**  
**O DODJELI PLAKETE ZENIČKO-DOBOJSKOG KANTONA**  
**Ismailu Zulfiću**

**I.**

Javno priznanje Plaketa Kantona dodjeljuje se Ismailu Zulfiću, kao priznanje za izuzetan doprinos razvoju Zeničko-dobojskog kantona u oblasti sporta.

**II.**

Ova odluka dostavlja se Skupštini Zeničko-dobojskog kantona na verifikaciju.

**III.**

Odluka stupa na snagu danom donošenja.

Broj: 01-34-9256-10/18  
Datum, 10.08.2018. godine  
Zenica



PREDSJEDNICA  
ODBORA ZA JAVNA PRIZNANJA

Nina Banjevac Salkić

## Obrazloženje

### Pravni osnov:

Pravni osnov za donošenje ove Odluke sadržan je u članu 6. stav (2) Zakona o javnim priznanjima Zeničko-dobojskog kantona ("Službene novine Zeničko-dobojskog kantona", broj: 6/13 i 2/14), koji propisuje "Javno priznanje iz prethodnog stava verifikuje Skupština".

### Razlozi za donošenje odluke:

Rješenjem o imenovanju Odbora za javna priznanja Zeničko-dobojskog kantona (u daljem tekstu: Odbor), broj: 01-34-9256/18 od 01.06.2018. godine, Vlada Kantona je imenovala ovaj Odbor čije su nadležnosti regulisane Zakonom o javnim priznanjima Zeničko-dobojskog kantona ("Službene novine Zeničko-dobojskog kantona", broj: 6/13 i 2/14).

Realizirajući svoje nadležnosti i zadatke, Odbor je putem Službe za zajedničke poslove, objavio Javni konkurs za dodjelu javnih priznanja Zeničko-dobojskog kantona u dnevnom listu "Dnevni avaz" dana 09.07.2018. godine i na službenoj web stranici Zeničko-dobojskog kantona.

Na 2. sjednici Odbora, održanoj 07.08.2018. godine, razmatrane su sve pristigle prijave kandidata i utvrđeno je da je za javno priznanje Plaketa Kantona između ostalih predložen i Ismail Zulfić. U obrazloženju prijedloga navedeno da je Ismail Zulfić dječak koji je postao inspiracija mnogima. Premda je 2010. godine Ismail rođen bez gornjih ekstremiteta i sa deformacijom desne noge, to ga nije priječilo da hrabro i uzdignute glave ispunjava svoje želje i razvija svoje talente. Ovaj dječak poznat pod nadimkom "leptir bez krila" prije dvije godine pobijedio je svoj strah od vode te naučio plivati. Do sada je Ismail osvojio nekoliko nagrada i medalja u plivanju na domaćim i međunarodnim takmičenjima. Pored toga ovaj dječak još odlično skija, vozi biciklo, romobil, igra nogomet i uredno izvršava sve svoje školske obaveze. Ismail je dokaz da je uz jaku volju i upornost moguće ostvariti svoje ciljeve. Ovaj "mali heroj" inspiriše ljude da vjeruju u sebe, svoje talente, i tako lakše prevazilaze različite probleme, krize u životu, zdravstvene brige, netoleranciju i nerazumijevanje sredine.

Razmatrajući prijavu, članovi Odbora su donijeli odluku da se Ismailu Zulfiću dodijeli Plaketa Kantona kao javno priznanje Kantona.

Predlažemo Skupštini Kantona da verifikuje Odluku Odbora, te da se Plaketa Kantona dodijeli Ismailu Zulfiću na svečanoj sjednici Skupštine Kantona povodom Dana Kantona.

